



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 23. april 2012
J.nr.: 01.31.06/12-00575

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00575 pillugu aalajangiinernik Naalakkersuisunut ilisimatitsineq.

Aningaasaqarnermut Ataatsimiititaliap aalajangiinera nr. 11-562, 09. december 2011-mi akuerineqartoq pillugu allaffissornikkut kukkunernut iluarsisut

Naalakkersuisut **inassutigaaat,**

- kontomi pingaarnemi 87.75.02-mi, Dundasimi avatangiisit ajoquserneqarnissaat pinngitsoortinniarlugu iliuseqarnissamat tunngasumi, suliassamat nr. 996.74.002-mut, Dundasimi avatangiisit ajoquserneqarnissaat pinngitsoortinniarlugu iliuseqarnissamat tunngasumut, aningaasaliissutit 2011-mi 25,0 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Suliaq una Dundasimi avatangiisit ajoquserneqarnissaat pinngitsoortinniarlugu iliuseqarnissaq (suliaq 11-562) pillugu Aningaasaqarnermut Ataatsimiititaliap suliaanut toqqaannartumik malitseqartitsissutaavoq. Aningaasalersuutissanik innersuussuteqaratik Dundasimi saliinissamat atatillugu sanaartugassanut aningaasaliissutit amerlineqarnissaat Naalakkersuisut kissaatigimmassuk 12. december 2011-imi aalajangiinermi ataatsimiititaliap eqqumiigaa, taamaalillunimi qinnuteqaat IST-mut ajorseriaataasumik 25 mio. kr.-inik sunniuteqassamat. Taamatut akuersissutiginninnermi Aningaasaqarnermut Ataatsimiititaliap aningaasaliissutigisai Sanaartornermut Iluarsaanermullu Aningaasaateqarfimmut 31. december 2011-mi nuunneqarput, taamaalillutillu 25 mio. kr.-it taakku aningaasartuutit nunatta karsiata 2011-imut naatsorsuutaani allassimassallutik.

Taamaalillutillu Dundasimut tunngasumik suliaq pillugu Naalakkersuisut siusinnerusukkat qinnuteqaataannik 12. december 2011-imi akuersissutiginninnerminik Aningaasaqarnermut Ataatsimiititaliap allannguinnissaa Naalakkersuisut qinnuteqaammi matumani qinnutigaat. Tamannalu 12. december 2011-imi aalajangiinermi ataatsimiititaliap tupigusuutigalugit oqaaseqaatigisai eqqarsaatigalugit tupaallannangilaq.

Qinnuteqaalli assut ajornartorsiutitaqarpoq, tassa aningaasaliissutinik allannguinnissamik qinnuteqaat 2011-imut, tassa ukioq kingullermut sunniuteqartussaammat (tunngammat). Tamanna missingersuusiornermut inatsimmi § 25, imm. 1-imi kiisalu § 28, imm. 3-mi aalajangersakkanut naapertuutinnigilaq. Aalajangersakkani allassimavoq ukiup aningaasanut inatsisip atuuffiata ingerlanerani aningaasaliissutissat nutaat allanngukkalluunniit kisimik ataatsimiititaliamit akuersissutigineqarsinnaasut aammalu aningaasaliissutissat nutaat allanngukkalluunniit pillugit qinnuteqaatit iliutsinut ukiumi aningaasanut inatsisip atuuffiani aningaasartuutaasussanut taamaallaat tunngasinnaasut. Ukiorli aningaasanut inatsisip atuuffia 2011 qangarsuarli qaangiutereerpoq, taamaattumillu qinnuteqaammik akuersissutiginninnissaminut ataatsimiititaliaq inatsisitigut tunngavissaqanngilaq.

Kiisalu suliassat immikkoortiterneri aammalu suliassat allaaserineri missingersuutitut ilanngussami allassimasut imminnut ataqtigiinngillat.

Taamaattumillu suliaq 2011-imut Nunatta Karsiata naatsorsuutaani Naalakkersuisut nassuiaateqarfigisariaqarpaat. Inatsisartut upernaakkut ataatsimiinneranni suliarineqartussanngorlugit Nunatta Karsiata naatsorsuutai nalinginnaasumik piareerneqartarput.

Tamanna kissaatigineqassappat Dundasimi suliniut pillugu sanaartugassanut aningaasaliissutit ukiup aningaasanut inatsisip atuuffianit 2012-imit atuutilersumik Sanaartornermut Iluarsaanermullu Aningaasaateqarfimmit Nunatta Karsianut utertinneqarnissaat pillugu Naalakkersuisut qinnuteqaammik nutaamik nassiussisinnaapput. Suliaq una eqqarsaatigalugu pissusissamisoorpoq ilanngutissallugu qinnuteqaat taamaattoq ukiup matuma naannginnerani nassiunneqartariaqarmat (suliarineqarlunilu).

1. Aningaasaqarnermut Naalakkersuisoqarfiup tusarniaanermut akissutaata nassiunneqarnissaa ataatsimiititaliamit kissaatigineqarpoq.
2. Naalakkersuisut K-gruppiata qinnuteqaat pillugu naliliinerata nassuiaateqarnissaa ataatsimiititaliamit kissaatigineqarpoq. Tamatumani immikkut paasissutissiissutigeqquneqarpoq qinnuteqaat K-gruppimmit qanga suliarineqarnersoq qinnuteqaallu gruppimmit qanoq naliliiffigineqarnersoq.

Aningaasaqarnermut Ataatsimiititaliap aalajangiinera

Inassuteqaatit Aningaasaqarnermut Ataatsimiititaliamit **akuersissutigineqarsinnaanngillat**. Apeqqutitut siuliani allassimasunut Naalakkersuisut akissutaat kalaallisut danskisullu sapinngisamik piaarnerpaamik nassiateqquneqarput assilineqarnerallu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq